



TuWa. Bd 1682.







Q.D.B.V. 6
HISTORIAM 1683 5
Artis Scriptoriæ,
PRO LOCO

In
**Amplissimo Philosophorum
Ordine**

P. 633.

benevolè sibi assignato,
PRÆSES

M.FLORIANVS & Lepperheim/

Glogaviâ Silesius,
publicè defendet

Ad d. 15. Martii A. d^c 1683.

RESPONDENTE

MICHAEL Rechen/

Stoeffena-Misn.

WITTENBERGÆ

Type CHRISTIANI FINGELII.



MICHAEL Rechen



Reverendissimo, Illustri ac Generosissimo
DOMINO,
DN. GEORGIO PHILIPPO

à Belsheimb/ Ecclesiæ Metropolitanæ Magde-
burgensi Subseniori, Scholastico, Hæreditario in
Bebenroda & Harpfe / Obedientiaro in
Güsten &c. &c.

ut &

Reverendissimo, Per Illustri Generosissimog
DOMINO

DN. LEVINO JOACHIMO BARONI
à Schulenburg

Ecclesiæ Metropolit. Magdeb. Canonico & Capituli Havelber-
gensis Præsuli, Toparche in Lieberosa/Lanisfeld / Bezdendorff/
Apelnburg & Walsleben etc.

Nec non

Nobilissimo, Consultissimo, Amplissimoque
DOMINO

DN. IOHANN HENRICO Dürrfeldt/
Potentissimi Electoris Brandenburgici Consiliario
Gravissimo, rei molendariae Præfecto, villicationum Ju-
dici Magdeburgi & I. U. Doctori &c.

Maximis suis Patronis ac Evergetis submissâ animi de-
votione etatem Devenerandis, Colendis,
Exercitum hocce Academicum eorum Beneficentiarum haud immemor
ut pietatis & debite observantia testem consecrare & dedi-
care voluit, debuit

MICHAEL Reche.
S.S. Theol. Cultor,





* * (†) * *

AD PEREXIMUM atque PRÆSTANTISSIMUM

DN. MICHAEL: Rechen

Amicum dilectum.

Magnum *Historia* lumen est. Rerum
antiqvissimarum Ideas ita nostris oculis si-
stir, ac si modò vivo qvodam exemplo fie-
rent. Sicigitur *preterita* Nobis, *præsentia*
posteritati, si qvæ futura, commendat.
Historia verò non alio medio, nisi scripto-
rum artificio, tantam nobis utilitatem præ-
stat. Ex qvo non obscure colligi potest,
qvanta sit *Artis scribendi* vel *necessitas*, vel
dignitas, vel *utilitas*. Sed hæc modo persequi
nec libet, nec licet. Hoc unicum saltem
indicare placet. Historicam in eo rectè su-
am operam locare, qvando *Historiam Ar-
tis scribendi* memoriae prodit. Nam alia si
plurima, qvæ nullum ipsi vel *adminiculum*
in

vel ministerium præstant, ab oblivione, vel
interitu custodit, qvanto magis hoc bene-
ficium Arti scriptorïe debet. Arduum igitur
hoc est negotium, & studium minimè con-
temnendum, qvod in Academia nostra mo-
do suscipis, dum erudite per doctas collatio-
nes & Concertationes Artis scriptorïe lau-
datisimam Historiam excolis. Gratulor Ti-
bi de hoc egregio p̄clar & mentis instituto! De-
umq; precor, ut studiis his ex alto benedicere,
faciles progressus Eisdē concedere, felicemq;
tandē inßaow ad sui Nominis Gloriam, & Rei-
publicæ Christianæ constanter iuvx̄iar cœlitus
adficere clementissime velit, cuius Gratia
Paternæ Te, Tuaque studia meis precibus
commendo! Vale! Scrib: VVitteberg. d. 17.
Martii Anno M. DC. LXXXIII.

Tra Per-Exim. Præstant.
studiosis:

JOHANNES Deutschman D.
p. t. Acad. Rector.



Artem scribendi defendere Rechius
arte,

Naturæq; suæ scribere signa cupit;
Prima futurarum sint hæc molimina lau-
dum

Scripta Patronorum semper in ingeniis.

THEODORUS DASSOVIOUS P. P.

& p. t. Decanus.

AUsibus eximiis veniant precor , omnia
frausta,

Et curas pensent præmia largatuas.

Boni ominis causa l.mq;

CONRADUS SAMUEL SCHURZFLEISCHIUS P. P

Hinc

HEINRICUS ZEITBLAUF
Ingenii

Quod Tibi longā dies multiq; dēdere la-
bores

Scire, per astra polijam pia fama canit.

Hinc bene cūm steteris doctā plaudente ca-
thedra,

Apprecor, ut felix stet Tibi qvisq;ve dies.

Prae eximio Domino Respondenti gra-
tulabundus sc.

PRÆSES.

Si quis amat varias artes, sēcatur & illas,
Illorum fructus largiter inde capit.
Asiduè quoq;ve Tēfecisse id, Amice colende,
Per doctum specimen comprobat hocce tu-

Faxit Jova, per hoc tua laus & gloria crescat
Quod precor ex imo corde animoq; Tibi.

In honorem Clarissimi Domini Respon-
dentis, Fautoris ac Amici honoratissi-
mi deproper.

M. HEINRICUS Löffler.
Ingenii



Ingenii dotes, queis Te natura beavit
Exemplo eximio pulpitanostra docent,
Ausibus his grator, felici sidere porro
Per variam curam ad culmen honoris eas:

Hec in honorem clarissimi & eruditissimi
Domini Rechii Fautoris atq; amici sem-
per estimatisimi gratulabundus ad-
jicit.

M. GODOFREDUS ECCARDUS,
Wittebergenfis

Ars cui natales tribuat scriptoria, scripti
Eximiifacies exhibuere satis.
Hinc meritâ & scriptâ decoramus laude labo-
rem;

Ovi Tibi det porro, det Patriæq; decus.

Hac
Conterraneo suo honoratissimo gratulabundus
adjectit

M. CHRISTIANUS HEINSIUS
SS. Theol. Stud.

GERRECHE solich dir / zu Ehren etwas
Schreiben/
Du du viel besser doch verstehst die Schreibe-
Kunst?

Auch



Auch macht die Tugend dir bey hohen Häuptern
Günst:
Was ist es nötig dann? ich laß es immer bleiben.

seinem geliebten Freunde

JOHANNES JACOBUS Klingenberg/
S. S. Theol: Cultor.

L wird wohl niemand seyn/der dich nicht sagen könnte/
Dass unverdrossner Fleiß Ihm alle Ehre gäme/
Und ist es ja gewiß/dass wer die Tugend liebt/
Behomme diesen Lohn/den wachsamkeit Ihm gebe.
Ihm vielgeliebter Freund lohnt auch die garte Tugend
In die auch ist verliebt gewesen Seine Jugend
Die Erönet seinen fleiß/und bringet an das Licht
Was man vor wenig Zeit von Ihm gesehen nicht.

BALTH. BENJAMIN Kinderman
Brandenb. March.

Sicce litandum, mi Rechi, rere duobus,
Sedulus ac studii thura referre studies?
Musica dulcis amor, nec Musas spernis amicas,
Sed junctam svavi vinculo utramq; tenes.
Scilicet has inter nexus quis, præstat origo
Artis scribendi qvam Tua scripta docent.
Divide sic curam, sit semper vivida virtus,
Et veniet viridis palma ab utraq; Tibi.

et suo per dilecto gratulabundus
JOH: HERMAN. Hoffmeister
Hannovera-Saxo





§. I.

Cum multa Veterum instituta laude digna sint , tum scribendi inventum sanè præclarum & subtile admirandumq; videtur,idq; non solum ætate priscorum, verum etiam nostrâ memorîa sapientissimi qviq; agnoverunt atq; in prelio habuerunt. Ex qvâ causâ plurimæ inter eos & maximè diversæ extiterunt sententiae , qvibus diu multumq; disceptatum est , cuinam eorum hoc præcipue tribui debeat : plerique certè humani ingenii captum excedere existimarunt.

§. II.

Et primò qvidem divinus Plato , & cum eo Orationum Princeps Cicero pro insito ingenii acumine censuerunt, vel ipsi DEo, vel homini ad id divinitus excitato scriptio nis primordia esse adscribenda , qvorum ille in Philebo & Phædro , hic verò L. 1. Tuſ. QQ. suam sententiam proposuit. Utrisq; assentior facile, eò qvod omnia, qvæcunq; in rerum naturâ existunt , & hominum utilitati inserviunt , omnino ad supremum Numen sint referenda, qvod ad gerendas res insignes homini mentem motumq; largitur. Progrediendum tamen ultra est, & videndum, qvis ille divinus homo, cui concessum tributumq; a DEo fuerit, tantum tamq; insignē

A

figne



signe donum, rem multò pretiosissimam inveniendi,
inventamq; tradendi aliis, & ad seram usq; posterita-
tem propagandi.

§. III.

Sunt verò, qvi doctis risum moveant, præsertim
ii, qvi originem scribendi ante mundum conditum
coepisse afferunt, &, uno tit dicam verbo, in re seria nu-
gantur, nec minori vanitate docent, legem ante mundi
initium fuisse scriptam literis igneis nigris in dorso i-
gnis candidi, qvæ sententia attribuitur Judæis ap.
Chemnitium Ex. Conc. Tr. p. 13. Idem, ut *Munsterus*
Comm. in Gen. autor est, comminiscuntur, in vespera
Sabbathi scripturam inter luces productam esse. Mi-
rum est, eos non addere, ante mundum etiam tabulas
illas lapideas esse effectas atq; formatas, & ap. Dñm
eousque reservatas, dum Moysi Lex scripta traderetur.

§. IV.

Interea defendendus venit *Plinius Physiologus*,
cui ea vindicatur opinio, qvafsi literarum usum simpli-
citer æternum statuisset, L. VII. c. 56. cùm verba illius
longè aliud intendant & vocabulum Æterni cum opti-
mis autoribus pro diuturno & antiquo sumere mihi
videatur. Alioquin ipse Plinius sibi non constaret,
qvi præcedente L. V. c. 12. Phœnices in gloriâ magnâ
literarum inventionis esse dixerat. Et qvod *VAlto-*
nus Prol. 2. Bibl. Polygl. & alii citati ap. *Bangium in*
Cel. Orient. ei obtrudunt ac si mundi æternitatem de-
fendendam suscepérunt, atq; hanc sententiā de æterno
literarum usu hac ratione atq; hypothesi stabiliverit,
excusari satis potest. Etenim dicit quidem mundum
æternum L. II. c. 1. veruntamen addit etiam, eum esse
finitum. Jam verò vel leviter initiatus noverit, æter-
num



num non esse finitum. Plinium autem contradixisse sibi, vero simile non est. Quidam & Aristoteli, à qvo sententiam de æternitate mundi hasisse Plinium dicunt, inter quos est Kromajerus *Theol. pos. pol. art. 4.* numquam ea mens fuit, ut mundum absolutè æternum dicaret: quodquidem DEum omnium rerum principium & causam asserit, atque adeò æternū pro ingenito habet, ut meritissimus Doctor Theologus D. Scherzerus ex Thoma contra Eustachium & Maimonidem dederit, in *Philos. in Cerasop. 342.*

§. V.

Nunc toto agmine prodeunt *Sinenses*, qui ut soli sibi sapere videntur, sic etiam in negotio inventæ artis scribendi primas obtinere volunt. Ipsi enim quendam, Fohy dictum, quem primum Imperatorem numerant eorum annales, primum etiam artis scriptoriz inventorem celebrant. Cujus rei falsitatem rationes temporum indicant, si secula Imperii Sinici cum ætate universalis Cataclysmi conferantur. Erenim si calculum *Autoris mirandorum in Sina & Europa* pro vero sumamus, sequitur, ut collatâ Epochâ Sinensium cum nostra illius Fohy Imperium ad annos ante Christum natum 2847. extendatur. Qvis autem est, qui non videat, fabulosam esse Sinensium jaætam antiquitatem? Aut enim diluvium non fuit universale, ut Sinenses soli ab aquarum eluvione manserint immunes, aut Fohy ille fuit ipse Noah, cui eo tempore nondum filii nati erant, quod utrumque absurdum. Alia quidem adhuc Epochæ Sinensis reperitur enumeratio, quâ Alvarez Semedo in *Historia Sinensi* Imperatorem Fohy ante Christum 2060 annis, qui in Abrahami annos incident, floruisse significat; sed eo tempore jam ratio scribendi satis erat



cognita, prout infra probatum dabo, ut firmius sententia muniatur, & constet, in dispersione gentium etiam ad Sinenses tandem cum aliis artibus nobilissimam artem scribendi permanasse, & sic Fohy illum non inventorem, sed propagatorem tantum artis hujus apud Sinenium populos dicendum esse. *Vid. de antiquitate Sinenium Dissertatio Hornii de vera etate mundi contra Isacum Vossium c. 12. & Arnoldi Spicilegium ad Ursini Exerc. fam. p. 14.* Miror vero opinionem, an ingenium dicam? Johannis Vebberi, Angli, qui novo specimine Historico anno hujus seculi 69. Londini edito Lingvam Sinenium primivam esse tradidit, & quod hinc elicetur, Sinenses litterarum notitiam usumque habuisse ante ullum quemlibet populum. Sed quo fundamento id afferat, facile licet colligere, cum ipsius sententia penitus ponderatur, quae sane apud eruditos nullam meretur fidem.

§. VI.

Eandem cum Sinenibus fabulam ludunt Aegyptii, qui teste Diodoro Siculo, literas (& sic quoque artem scriptoriam) astrorum cursus, Geometriam, artesque plurimas a se fuisse inventas dixerunt, & Mercurio, Theuth ipsis dicto, assignarunt. Verum enim verò non sufficit dixisse, cum probationes reqviruntur. Etenim ab omni ævo suspecti admodum sunt Aegyptiorum mendaciorum in recensione rerum antiquissimarum, quod diu notavit Gerb. Job. Vossius, & cuivis facilè liquet, si audiat, DEos & semideos regnasse primùm apud eos, anteqvam ad homines imperium apud ipsos devolveretur. Eqvidem fidem aliquam facere posset enumeratio librorum Mercurii à Philone Bibliensi & Zamblico facta: At enim primò eam destruit Mercuriorum multitudo, deinde, quod, qui à Philone citati sunt libri, nusquam



quam citantur amplius ; nec Jamblichus standum sit, cùm ipse sub initium *libri de mysteriis* disertè fateatur, apud Ægyptios morem obtinuisse, ut omnes libri omnianq; inventa Mercurio adscriberentur. Sed verò ea falsa esse omnia, qvæ de Mercurio circumferuntur, probat celeberrimus Conringius *libr. de Hermet. Medic.* c.7. Conf. Ursinus *tr. de Hermete Trismegisto*. Alia, qvæ de hac materia amplius dici possent, qvoniā ad institutum non pertinent, prætermittit.

S. VII.

Græcos, qvi tamē fere omnium rerum inventionem suæ genti adscribunt, & cum Ægyptiis etiam olim de antiquitate certarunt, mirum est, artis scriptoriarum inventum sibi non tribuisse. Ultrò enim ejus rei gloriam deferunt aliis, & potissimum Phœnicibus, qvem admodum historiarum pater Herodotus in *Terpsichore* V. 58. memorie prodidit. οἱ Φοίνικες, inquit, οἱ δὲ Κάδμοι ἀπικόμενοι ἐσταύοις ΓεΦυραῖοι, ἀλλά τε πολλα, οικήσαντες Τάνυν Τὴν χώρην ἐσῆγαν θάσονάλια ἐς τὰς Ἑλληνας, καὶ δὴ τοι γέρμανθα, επείσθια πὲν Ἑλληνοι, ὡς ἐμοὶ δοκεῖ. Qvamq; alii aliter sentiant, dum non ad Cadmum, vel ejus socios, sed vel ad Palamedem, vel ad Linum, Herculis præceptorem, vel ad Cecropem, primum Atheniensium Regem, vel Orpheum, vel Prometheum referunt, ut Alex. *Sardus ad Polyd. Vergilium* obseruat. Sed qvod Palamedem attinet, ille literas tantum qvasdam adjecit Alphabeto Græco, atq; adeò inventori minimè statui poterit. Linus autem fuit ex Phœnicia oriundus, Cecrops ex Ægypto. Orpheus etiam vixit temporib; Hipparchi & Hippiae, filiorum Pisistrati, ut *Vossius l. 1. de Origine Idolol.* c. 39. graviter confirmat, atq; hinc sequitur, eum longè post Cecropem & Cadmum esse collocandum. Qvamvis alii cere-



monias & mysteria auctore Orpheo (sed profecto post Cadmum) in Græciam traducta putent. Vid. *Diodorus Siculus* L.V. p. 333. Prometheus fuit Japheti filius, qvemadmodum *Hesiodus* narrat, ut hic iterum ex historiâ mythica colligamus post *diluvium* & in Græciam à Noachidis artem scriptoriam translatam esse. Atenim vero Diodorus Siculus dissentit ab Herodoto, & ante Cadmum Græcos artem hanc novisse affirmat. Verba hæc sunt:
Αγῆς δέ εἰς Αιγυπτίον απάρεια ἐκποστήσας ἦν Ηλιόπολις ὄντως αὔριαιν,
ἀπὸ δὲ πατέρες θέμεν Θ. ἦν προστηγείαν. Οἱ δέ Αιγύπτιοι ἔμαθον παρὰ αὐτοῖς περὶ ἡδύρολην αὐτενέηματα. Τοσούν δέ περ
τοῖς Ἑλλήσις γενομένα κατεκλυσμά, καὶ διατηνέποντες τοῖς πλείστοις αὐθεώπιαν σπολομένων, ὁμοίως Τάσις καὶ Καίας διὰ τῶν γεαματῶν ἕπομεναταῖς συνέθη Θεατὴν. Διὰ δὲ αἰλίας πολλαῖς ὑπερου
γενεῖς Κάδος οὐ Αγήνος οὐ ἢ Φονίκης προσῆλθε οὐ πελήσθη
κομίσας γεάματα εἰς τὴν Ἑλλάδαν ἔδοξαν δέ τι προσευχόντες περὶ
τῶν γεαματῶν, κοινής ινθείσας παλεχέσσος Τάσις Β. Ηλ. πας.
libr. eodem V. p. 328. Nempe existimat, Actinum Solis filium ad Ægyptios profectum, eos Astrologiam docuisse, demum Græciā diluvio oppressa, plurimos homines periisse, literarumq; monumenta deleta fuisse: & eam ob causam post multa secula secundum creditum esse, Cadmum Agenoris filium primū literas in Græciam adduxisse, atq; ideo Græcos qvadam communi ignorantia ductos, literarum inventionem illi acceptam retulisse. Consentit *Tzetzes*, alioquin fabulosus, sed hic non spernendus autor, qvi dupli argumento idem confirmat. Primum est, qvòd oraculum redditum fuerit Cadmo: Θεοί θεοί τοι μόθον Αγήνορες ἔγραψε Κάδος &c. Alterum qvòd Bellerophon antiquior Cadmo scriptas tabellas de suā cæde attulerit: referente *Scaliger* in *Animaadv. ad Euseb.* p. 104. qvi tamen hoc in eo reprehendit atq; eis opponit primo vetustissimum totius

Græciae



Græciæ consensum ; deinde , qvòd oraculum illud & Bellerophontis tabulæ orientur à Poëtis; tum , qvòd non reperiantur antiquiora monumenta ; demum , qvòd literæ hodiernæ dicantur Cadmeæ , qvæ ita non possent dici , nisi ad Cadmum autorem essent referendæ . Et si Cadmus autor , aut saltem primus doctor & index earum in Græcia , qvo modo ante Cadmum literas habuissent Græci . Verum enim verò Diodorus Scaligero satisfacit , assertoq; suo Græciæ consensum negat . Deinde Poëtarum dicta non semper sunt fabulæ , qvin sub involucris illis vera sæpe historia reconditur & latet : porrò non seqvitur , antiquiora monumenta non reperiuntur , ergo Græci non neverunt artem scriptoriam ante Cadmum . Et qvod ultimum est , literas hodiernas appellari Cadmeas , concedimus , & tribuimus etiam Cadmo , sed tamen eo ipso nihil efficit Scaliger , ut omnem ante Cadmum scribendi usum neget . Potuerunt omnino alias etiam habere literas , in quavrum locum Cadmeæ dein successisse videantur .

§. VIII.

Alios , qui forsitan artis nostræ inventionem prætendant , ne audiendos qvidem judicamus , ut pote qvi pro vero ducimus , prima scribendi initia apud gentem DEo electam fuisse , qvod ingenuè & ultrò nobis largiuntur omnes , ut in definiendo primo scriptionis auctore nondum convenire possunt .

§. IX.

Meritò hic attendimus ad singularem Plinii sententiam , qvi L. VH. c. 56. Literas semper Assyrias fuisse arbitratus est ; nec præterimus , qvod docti notant , literas , qvas hodie vocamus Ebræas , olim & Assyrias ditas fuisse , Samaritanas verò Ebræas , qvod VVasmuth

Vind



Vind. p. 53. ex ipsis Judæorum testimoniis contra VVal-tonum latius deducit. Ita enim, ut ex omnibus unum feligamus, R. Gedalia in ^{הַקְבָּלה} f. 80. Lex data est eâ Scripturâ, quâ nos hodie scribimus librum legis, quæ docatur ^{אֲשֶׁר} *sive Assyriaca*. Hec verò figura fuit custodita & servata apud magnates Israëlis, sicut Lex oralis. Vulgus enim utebatur figurâ literarum Ebraicâ Samaritanarum: sed cùm venisset Esra, permisit ipsis, ut scriberent figurâ literarum, quibus data fuit lex. Vocarunt autem eam Assyriacam, quia Magnates Israëlis eam secum adducebant ex Assyria; clam enim eam habuerant, eò quod esset scriptura sancta. Et autor libri En Israël c. 1. Totus mundus fatetur, tabulas, & librum legis, qui in arcâ fuit, scripturâ Assyriacâ fuisse consignata. Qvod ipsum liceat velut fundamentum subtruere iis, quæ deinceps adferentur.

§. X.

Unde jam scribendi initia scrutaturo primus occurrat Ursinus, qui in *Analectis S. vol. 1. l. 6. c. 1. & Exerc. fam. proœmio* afferit: primi omnino libri scriptorem fuisse Mosen, arte scribendi ab ipso æterno DEI verbo, ejusq; prototypo exemplari legis duarum tabularum accepta; itaq; & nullam antiquiorem scripturam neq; ex sacris, neq; ex profanis fide dignis monumentis ullis uspiam comparere. Atque hoc sanè pium studium pro concilianda Scripturæ S. autoritate & antiquitate laudandum maximè est, optarem verò ipsum argumenta in contrarium adducta æquo animo ponderasse, nec dubitarem, quin à vehementiâ se continuisset. Nos expensis rationibus, parum in hoc genere eum satisfecisse deprehendimus. *Affirmamus*, inquit, *ratio-ne, inductione, testimonio*. At ratio, induc̄tio & testimoniū solū eò tendunt, ut evincat, Mosen esse antiquiorē rem.



rem & priorem omnibus illis à profanâ gente factis literarum Inventoribus. Qvod ante eum Tertullianus & Clemens Alexandrinus accurate diligenterq; probabant, scriptoresq; paganos antiquitate gloriatos in ruborem egerunt. Id qvod omnino & nostrum facimus. Probare autem debuisset Ursinus nullum in gente Ebræa fuisse, qui arte scribendi ante Mosen noverit.

§. XI.

Augustinus contrarium probaturus *QQ. in Ex. qv. 69. tom. IV. Opp. introducit γεωματικῶν εἰσηγήσας*, qvos ex consilio socii Jethronis Moses unā cum Chiliarchis, Centurionibus, decurionibus, constituisset. Verba ejus hæc sunt: *Quidam Doctores interpretati sunt, ut intelligentur utiq; literarum, qvi introducant in litteras, si ut resonat vocabulum Grecum. Hic san significatur, qvōd ante legem datum habuerint Ebrei litteras &c.* Non contemnenda qvidem ratio, si textui Interpretum LXX. sua constaret integritas, & concordia cum textu Ebræo, in quo nullum vestigium horum εἰσηγωγῶν habetur. Augustinus lingvæ Ebrææ ignarus hæsit in LXX. Interpretum versione, qvæ in aliquibus exemplaribus, ut MSC to Alexandrino, qvod notavit *V. Altonus in Bibl. Polygl.* has duas voces habet additas. Et qvōd additæ sunt, existimo inde factum esse, qvōd *Deut. 1. 15.* ipsi LXX. ut vulgò habentur, γεωματικῶν εἰσηγησίς collocarunt post decuriones, eadē prope falsitate. Nam vox שׁוֹרְטָנִים nuspiam notat γεωματικῶν εἰσηγησίς, sed censores & visitatores, quibus & flagris armati per plateas urbis circumibant, ut mensuras & pondera examinarent, mores publicos observarent, & si quid pravum offendissent, magistratui denunciarent. Ut ita nihil

B

ali-



aliud sint; qvam judicūm ministri & judiciorū solen-
nium executores, atqve ideo in scriptis Judæorum Ger-
manicis בִּיטָּל Bittel i.e. lectores dicti, qvod exeqvitur
D. Carpzovius not. ad Schick. Jus regium p. 241.

S. XII.

Alia contra Ursinū firmior ratio est ē dicto Jo-
bi petita Cap. XIX. 23. *Utinam nunc scriberentur verba
mea! Utinam in librum insculperentur; stylo ferreo cum
plumbo in perpetuum in rupe inciderentur!* Verba satis cla-
ra sunt ad demonstrandum, iam tempore Jobi notam
fuisse scribendi rationem. Ursinus hanc objectionem
frustra esse existimat. I. c. sed ipse frustra est. Sanè con-
fundit tempus, qvo Hiob hæc dixit, cum tempore, qvo
tota Jobi historia in literas est relata. Jam disqviri-
tur, qvando Jobus hæc dixerit? Certum est, in statu mi-
seriae, in qvo adhuc ante nativitatē Mosis constitutus
fuit. Ursinus ponit, Jobum 28. annis ante Mosis mor-
tem ē viṭa excessisse, qvī terminus cadit in 92. annum
ætatis Mosis; Hiob vero in statu felicitatis vixit 140. an-
nis. Unde cuivis patet, planè falsum esse Ursinū, cùm
probari posít, statum felicitatis Jobææ, initium sumere
ante natū Mosen 48. annis. Excipit Ursinus, Mosen, vel
qvicunqve Scriptor fuerit libri Jobi, sermone παθη-
τῷ, qvem Jobo tribuit, usum fuisse usitatisima prolepsī
poëtica, illasq; ethopoeias Jobi & amicorum merum
poëma & drama ēſſe. Qvod minimē concedendum.
Neqve enim ulla prolepsī statuenda est in S. literis, ubi
res satis evidens est & ipsa necesitas non urget. Collo-
quia autē Jobi & amicorum, cum non videantur fortui-
tō enata, else merum poëma, ut illa sint consignata lite-
ris, non perinde ac instituta erant, sed ut institui potuis-
sent, nemini persyadēbit adeò Ursinus. Id potius illo-
rum



rum virorum sapientiam & facundiam doceat, qvam
historiam de veritate deturbet, ut loquitur Schotanus.
Et præmeditari potuisse amicos, quis neget? Præterea
si vel maximè qvædam sint dramatica, allata Jobi ver-
ba talia non esse, docet præcipue arcta & immediata
connexio cum seqventibus, in qvibus Jobus
Symbolum fidei suæ de resurrectione mortuorum ex-
hibet. Hæc itaqve à Jobo nō esse ita dicta, ut scripta sunt,
non est extra periculum & id absurdum parit, ut de
sermonibus qvibuscunqve in Sacra Scriptura, an ita sint
prolati, ut qvidem consignati sunt, dubium oriatur.
Conf: Noldius Conc. Part: p. 287. & in Vind. p. 788. & 974.
Interim excusis hisce & elisis, ut argumento nostro
etiam contra qvosvis firmius niti meliusq; concludere
valeamus, parum abest, qvin statuamus, Jobum Mo-
se esse antiquorem. Nam primò post Mofen Sacerdo-
tium restrictum erat ad filios Aaronis, Jobus verò ipse
sacrificasse dicitur. Ad hæc פָנִים non dedit se homi-
nibus extra tabernaculum, postqvam à Mose extru-
ctum erat. Præterea ævi illa longitudo, qvam transe-
git Job, seqventibus seculis vix evenisse cuiqvam vide-
tur. Quartò, communiter Dei notitiam puram apud
amicos Jobi resediisse videmus, qvod sane vix admitti
potest, nisi de temporibus Exodum Hebræorum ante-
cedentibus. *Vid. Schotanus tom. 1. de Peregr. Israël. pag.
237. ubi Judæorum de ætate Jobi discutit sententias.*
*Conf: Theologus summus D. Calvius Bibl: illustrat: Tom:
1. part. 1. pref. in Jobum, Torniellus ad annum mundi 2329. n.
22. & 2309. n. 1. Salianus Epit. ad an. Mundi. 2319. & 2328. Ar-
noldus in Spicil. p. 66. seqq. Caspar Schottus Tech. iur. p. 558.
& 577.*

§. XIII.

Ex his jam satis superq; constat , ante Mosen rationem scribendi jam fuisse cognitam. Qvamobrem ad antiquiora secula eundum nobis est & in autorem ulterius inquirendum. Non tangam hoc loco , qvæ *Ælianuſ L. XIII. Hist: Var. c.3.* de sepulchro Beli refert, Xerxes in eo reperisse urnam vitream , adiacente columna exigua,in qva scriptum fuerit , eum , qvi sepulchrum aperuisset, neq; replevisset urnā , pessime habiturū. Belus autem est ipſe Nimrod, Monarchiæ primæ conditor, qvemadmodum ex antiquitate docuit summus Polyhistor, D. Schurzfleischius, *Diss. de Assirio-Chaldaeorum primordiis*, olim à me publicè defensā. §. 18. seqq. Sic & Semiramis Beli uxor, narrante Herodoto L. 1. sepulchro suo qvædam inscribi curavit. Cui & inscriptionem qvandam in columna Nino posita, Xenophon libro de *Æquivoci* vindicavit. Sed nec repeatam ea, qvæ Caspar Schottus *Techn. Cur.* pro aſtruenda noſtra ſententia attulit, nec corrigam, qvæ ibi male ab eo dicuntur , cum facile ruant, qvæ ab aliis jam ſunt impugnata , funditusq; ſubverfa. Id ſolū ago, ut in familiis Patriarchalibus artem ſcribendi viguiffe conficiam. Ubi argumentum non exiguum ſuppeditaret יְצָרָה liber creationis, qvi Abrahamo Patriarchæ à Judæis tribuitur, & in eorum manibus versatur , modò fides non eſſet dubia, cùm ſuperstitiosâ qvorundam credulitate Adamo ipſi tribuatur. Sufficiet mihi ex Noachica ſtructura arcæ diluvii judicandum proponere omnibus, an illa fine ſcriptione notarum qvarundam perfici potuerit. Equidem vix poſſibile fuisse, omnino ſentio, ut ſine notis numerorum tanta molis arca fabricetur. Numeria autem nil aliud fuerunt niſi literæ , eò qvòd omnes



mnes ferè gentes literas numerorum loco usurpent, &
hodie adhuc literarum pro numeris usus apud Ebraeos
sit receptus. Qvis ergo dicat, non scripsisse Noam?

§. XIV.

Rem ipsam acu tetigisse sibi visi sunt, qvī Patriarchis diluvio prioribus Alphabeta constituerunt Unde & *Jac. Benay Hepburnus, Scotus*, *Ordinis S. Francisci de Paula*, in libro, qvem *Auream virgam* inscripsit, Noacho qvoddam tribuit, qvod videre est apud *Bangium Cal. Or. p. 105*. sed nullo exceptus est assensu, cūm hæ ab ipso propositæ literæ prodant fucum, atqve adeò sint supposititiæ, & respondeant ferè Hetruscorum literis, quas partim *Bangius ex æneis tabulis Eugubinis colligit*, & Cælo suo orientali inseruit, partim etiam *Raphael Valtellinus ex quadam inscriptione Comment. Urbanorum L. XXXIII. & Merula in Cosmographia* proposuit. Miratur insuper Bangius, qvo atsu Hepburnus hoc Alphabetum in suam tabulam trans tulerit, atqve pro Noahico venditarit, qvod tamen *Theseus Ambrosius in Appendix Introductionis Hetruscum esse pronunciet*, atqve à dextra versus sinistram scribi ac legi dicat. Et qvamvis hic ipse Theseus suspectam reddiderit fidem suam in aliis, tamen hac vice probanda videtur opinio, ut potest duorum gravium Italorum testimonio, *Julii Canobini* & *Joh. Achillini* confirmata.

§. XV.

Neqve verò solum literis, sed integris libris Noacho tribuitur artis scriptoriæ cognitio. Nimis largi sunt *Cabbalista*, qvī, ut id probent, lepidè tradunt, à Noacho scriptum librum qvendam, & furto deinde in arcā ipsi à Chamo ablatum fuisse. Similern in modum inter eruditos mentio est *Voluminis Aethiopici*, à Noacho conscripti. Nec minor gloria est *Noachici testamenti*

A 3

E



E Epistola, qvam Prosper Italus inter Hetruscas antiquitates simul nobis communicavit. At verò & languida horum scriptorum autoritas est, & méritò eam Anton. Possevinus Bibl Seleçt. & Sixtus Senensis multum diligenterq; impugnatam jamdiu rejecerunt.

§. XVI.

Ante Noachum vixit Enochus, quem itidem peculiari Alphabeto usum suisq; prodidit Joh. Augustinus Pantheus Venetus Sacerdos, in *Vocabulário contra Alchimiam* cuius partes Claudio Duretus in *Historia de linguis universi* defendendas sumvit, & quidem hoc pacto, reperiri in fastis Æthiopicæ Ecclesiæ librum ab Enocho his literis conscriptum, & Canoniconum numero habitum; sed nimis lubrica infirmaq; ejus sunt argumenta, qvorum robur & vis vel eo ariete labefactatur, qvod in vero & antiquo Canone non reperiatur, neque unquam à nostris inter Canonica scripta referatur. Et pugnat contra eos Hepburnus, qui plane diversos his characteres in *Aurea Virga* proponit. Qyinam ergo veri, Bangius Hepburneos cum ipsis Ebrais facile conciliat, consensumq; Vicelii *Encom. L. Ebr.* suum facit, qui existimat Henochum, si quidem scripsit, illis scripsisse literis, qvas postea ab Heber semi filio Hebreas appellaveret. Cœterum aliqui artis scriptoriae originem in tempora Enochii rejicientes, adducunt illius Prophetiam ex Ep. Judæ *com. 14*, inter qvos est Augustinus, qui exprefse ait: *Scripsisse quidem nonnulla divina Enoch illum Septimum ab Adamo, negare non possumus, cum hoc in Ep. Istor. Canonicā Judas Apostolus dicat.* Sed unde confirmetur, nondum videre licet. Περὶ Φήβεως ἀέρι αὐτοῦ, non γεράθω dicit Apostolus. Etenim ut prophetiae in libros referrentur, non erat necesse, nisi qvas ipse Deus volebat consignatas. Concludunt tamen alii, Enochum scripsisse,



sille, qvoniā adhuc hodie inter Jūdēos ejus prophe-
tia extet, ut autor est *Drusius tr. de Enoch*, qvem seqvit
Bibliander *Com. de communiratione līng.* Imò Cor-
nelius à Lapide *Comm. in Ep. Jude* Prophetiam hanc
antiqvissimam esse & ante diluvium editam asseverare
ausus est; Et Boulduc *L. 1. de Ecclesia ante Mōsen c. 74.* re-
fert, & ex *Siracidis c. 44, 19.* colligit, Adamū scripta Enochī
diligenter conservasse & reposuisse in arcā tempore di-
luvii non minore soli citudine, qvām Patris Adami &
aliorum qvorundam Patriarcharum ossa, ut qvi ejus,
qvem DĒus rapuerat, ossa qvā servarentur, habere
non posset, scripta tanqyam sacratissimum pignus ac
depositum sibi & posteritati custodiret. Et producit
Scaliger *Notis ad Euseb. p. 244.* fragmentum qvoddam ex
Enochi libro Græcè ex Ebraico versum, unde Aposto-
lum sua sumptuose affirmat. Qvo tamen jure id dicat
Scaliger, judicabunt omnes, qvotqvt ipsum fragmen-
tum legent. Neqve enim Apostoli verba in eo occur-
runt. Forsan sint ipsi argumentum qvāsi textus illius,
repugnat autem itidem additum vocabulum λέγω
apud Apostolum, qvod si non fuisset additum, Scaliger
aliqvo modo haberet effugium, possetq; excusari. In-
terior falsa & conflicta sunt, qvæcunqve præter prophe-
tiā in Sca S. traditam, sub nomine Enochī circumfe-
runtur, qvicqvid in contrarium dicant aliqvi, refutati
pluribus à Bangio in *Cel. Orient. Dorsach Pentad. Diff. p.*
561. Cuneo de Republ. Ebr. L. III. c. 1. VValthero Offic.
Bibl. p. 1176. Joh. Euseb. Nierembergio Jesuitū tr. de Orig.
Scriptura S.

§. XVII.

Zonaras & Cedrenus planè primum inter eos, qvi
scriperint, eum faciunt. Οὐ, inquit Cedrenus, περὶ.



χρηματά μανθάνει καὶ διδάσκει, ταὶ οἰκανοὶ μυστεῖαι αἴποντα λό-
γιος ἀξιωταί, ex antiquâ & fabulosâ traditione, quam
seqvuntur isti Græculi, & fidem sêpe amittunt. Optimè
Sal. Gelferus. *Comm. in Gen. V. qv. 6.* eum quidem non
primum facit, probabiliorem tamen sententiam eorū
esse judicat, qui tempore Enochii suisse literarum usum
dicant, eo quod nec annorum series adeò exquisitè ad
tot secula observari, neque Henochi verba retineri abs-
que literarum adminiculo potuisse sentiant.

§. XVIII.

Qvod ipsum probaturi firmius, alii libros quos
dam à Setho, Adami filio scriptos proferunt, ut autor est
Epiphanius her. 39. & *Schottus Tech. cur. p. 555.* qui tamen
eos suppositios & spurios recte judicant. Alii præsi-
dium querunt in narratione Josephi *L. 1. Antiq. c. 3.* fi-
lios Sethi ante diluvium rerum coelestium scientias
duabus columnis, alteri lateritiæ, alteri lapi-
deæ inscripsisse, ut si construeta lateribus extermini-
naretur ab imbris diluvii, lapidea permanens præbe-
ret hominibus scripta cognoscere. Quam Josephi nar-
rationem nec Schottus improbat *l. c.* & Bangius *Cal.*
Orient. sed sub hypothesi tamen. Alii Alphabetis suis
antediluvianis id obtinere tentant, ut est *Autor Inscripti-*
onum in columnis parastaticis Bibliotheca Vaticana, Schra-
derus in Monumentis Italia. At Alphabetæ illa rejecta
& repudiata satis sunt à Bangio *l. c. p. 103.* ut actum jam
non agamus. Josephi fidem in dubium vocat Ursinus
Exerc. fam. p. 211. & Arnoldus in *Spicil. p. 65.* Bochartus in
Phaleg. l. 1. c. 14.

§. XIX.

Nos cùm omnibus monumentis fide dignis de-
stituamur, rem omnem rationibus & argumentis ex-
pedie-



pediemus. Primo enim imbecillitas humanae memoriae requirit quoddam remedium atque eam juvandi subsidium. Postquam enim primi hominum parentes in deplorandam illam devoluti essent peccati misericordiam, intercedit per itaque in ipsis omnis ingenii & divinarum virium vigor, nataque omnium scientiarum & sapientiae oblio. Quamobrem crebris actionibus entendum illis in posterum erat, ut quicquid a DEo reliatum habebant ingenii, non perderent penitus, sed acuerent & excitarent. Id proles eorum secuta varias deinde invenit & excolluit artes & scientias, quas tenebre omnes potuisse memoriam ita firmiter, ut nihil potuisse excidere, quis ausit dicere? Unde necessario sequitur, illos non caruisse quodam memoriae adjumento. Sed quodnam illud sit praeter scribendi scientiam? Equidem Poësis etiam ad memoriam rei conservandum idoneum instrumentum est, ut judicat *Poërinus* L. XVII. c. 7. Bibl. sel. verum nunc pensitemus, annon Poëta in ipso quoque carmine confidendo indigat signis memoriae intervientibus. Equidem *Ursinus* l. c. pro sententiae sue propugnatione contra *Bangium*, qui nobiscum sentit, nimis infurgit, literas, & quod consequens est, artem scribendi non afferre operem memoriae, sed pestem, audacter dicens, concedens tamen, nunc non posse artium scientiarumque cupidos carere literis, eam vero conditionem primorum sapientum non suisse, cum artes & scientiae paucis praceptis conceptae fuissent apud ipsos, & quisque reperta sua vivâ voce commendasset posteris, tradidissetque praecpta carminibus inclusa, ut memoriae facilius inhärent. Verum enim vero optarem, ut iste ipse autor, cum adhuc in viuis esset, explorasset ingenium suum, an horum, quae

C

contra



contra nos dicit, conceptionem atq; imaginem effor-
mare atq; exhibere memoriae semper potuisse, ut nun-
quam excidisset? Aut tenter quis nostrum, an cogita-
tiones de re quadam ardua vel semihorula spatio con-
ceptas alio tempore absque hoc memoriae subsidio re-
præsentare ad unum, & ita commodè atque sine mole-
stia possit. Sanè in spem venio, fore, ut omnes hanc
meam amplectantur sententiam. Quod verò Ursinus
artem nostram vocat memoriae pestem, facile meretur
veniam, eò quod foventæ suæ hypothesi conquisiverit
omnia, quæ reperiire potuit, quæq; ipsi commoda
visa fuerunt. Interim ei opponimus Illustrium Gu-
stavum Selenum, qui pref. ad Cryptographiam objec-
tionem hanc discussit, quod etiam Ursini defensores remis-
timus.

S. XX.

Alterum argumentum faciet mutua hominum
consuetudo & commercium. Cùm enim, *inquit*
Wasmuth, non solum animal loquens conditus sit ho-
mo, sed etiam animal politicum & civile, ad conversan-
dum & communicandum cum aliis res & actiones
suas natum, quis putet hoc fieri potuisse sine adjumen-
to literarum & scriptoris, quâ fugacibus alias vocibus
quasi vincula quædam injiciuntur, per quæ & oculis
& manibus teneri possint, miraculò certè maximo. *Vid.*
Vindicia p. 85. Explicit quis rationem, quâ factum, ut
Patriarchæ aperire sensa mentis etiam in loca dislita
(neque enim omnes uno fuere loco) sibi invicem po-
tuerint? An per nuncios, quibus vivâ voce tradidissent?
Quid si aliquando non rectè nunciassent, quod fieri
potuisse, nemo negabit? An vero ipsi semper inter se
collocuti sunt, præsentesq; sibi fuerunt, quoties de
rebus



rebus aliqua habenda fuit consultatio? Nimis absurdum foret, talia sensisse.

S. XXI.

Unde jam adducimus tertium argumentum, quod est artis scriptoriæ ad Arithmeticam & Musicam utilitas & evidens necessitas. Qui dixerit, Patres ante diluvium viventes non colluisse Arithmeticam, ut pote totius Matheseos fundamentum, is dicat etiam, eos non contemplatos esse cœlum, hospitesq; fuisse in terra. At qui noverant siderum cursus, aliasq; artes & scientias, ut patet ex Gen. 4, quibus maximè inservit Arithmeticæ, cuius opera & usus sine arte scriptoria nūquam potuit consistere. Maximum hic argumentum ponit Musica, quā excoluisse Jubal inq; ea excelluisse dicitur Gen. IV. Si excoluit, utique rationem compendi melodiæ posteros docuit. Veniant jam Musici, & exponant, id sine artis scriptoria subsidio fieri non potuisse. Quæ de structura arcæ Noachicæ, ut pote quæ sinescriptione literarum & numerorum fabricari non potuit, superius dixi, ea nemo repeteret, nisi qui ingenio difficulter sit, ut adhuc dum Patribus antediluvianis deneget artis scriptoriæ cognitionem.

S. XXII.

Atque hæc cum ita se habeant, ad ipsum quoque Adamum porrigitur scribendi notitiam. Neque enim fieri potuit, ut is, qui tot familiarum conditor & parent, quæ artem nostram callebant, solus fuerit illius ignarus. Quid potius docuisse eum filios & nepotes suos nobilissimam hanc & utilissimam artem, vero est simillimum. Adduco hanc in rem Cl. Bangii sententiam. Is loco saepius citat op. 9. his verbis causam hanc tractat prolixius: *Primum humani generis progenitorum* C 2 *to rem*



torem formandorum characterum prorsus rudem extitisse,
aut nihil planè ad rem literariam felici auspicio inchoan-
dam & propagandam adiumenti contulisse, vix dum dixeris.
Nam, ut ab ultimo primùm ordiamur, quis est, qui longam
transactæ vita usuram, quā Deus benignè Adamo indul-
xit, multijugem diutina experientia usum intuitus affirma-
re ausit, Adamum novem secula emersum fuisse, ac non-
geniis triginta annis vixisse tanquam otiosum rerum spe-
ciatorem: quippe qui quondam universa in terris familia
pater fuit, Rex & Sacerdos, teste Luthero in Genesim p. 48.
nec non Oeconomia, Politia, prima sapientie, divina pa-
riter & humana primus auctor, summus moderator & my-
sta. Quin potius pie sentiendum est, quod Adamus animadver-
tens se admissò peccato amississe incomparabiles antī, inge-
ni, memoria, sagacitatis & sapientia dores, atque in te-
nebris osculum ignorantiae, ruditatis ac obliuionis ergastulum
fuisse conjectum, relictis sibi tantum parietinis quibusdam
naturalis cognitionis, in id magno molimine incubuerit,
quomodo residuas physici luminis scintillas iugi mentis agi-
tatione, laboriosā sensum ope & scrutinio exsuscitareret:
in modo necessitate monstrante viam, primam artibus & doctri-
nis facem prælaceret, prima characterum rudimenta iudican-
da memoria causa preformaret.

§. XXIII.

Nec solus nobiscum sentit Bangius sed infiniti alii,
Spidas, Job. Tzetzes, Opmerius, Boulduccius, Poßellus, Me-
nochius, Pineda, Ludovicus S. Francisci, Athanasius Kir-
cherus, Ludovicus Vives, Hermannus Hugo, Theodorus Bibli-
ander, Alstedius, atque in primis e nostris D. VValthe-
rus & Venerandus Senior noster. Dn. Andreas Sennertus &
referente Kircherio, universa Ebraeorum schola Syro-
rum & Arabum. Qvanquam non oīnes iisdem utan-
tur argumentis, alii conjecturis tolerandis, alii fabulis,
alii

alii monumentis, sed unde hæc fidem suam accipient,,
non adducentes. Sic à Gnosticis olim expositæ fuerunt
Revelationes Adami, *Evangelium Eve*, & hodienum in
Bibliothecâ Vaticana reperitur pictura *Adami*, supra,
cujus caput literæ Ebraice antiquæ leguntur, & ad pe-
des ejus inscriptio Latina: *Adam divinus edocens primus*
Scientiarum & literarum inventor.

§ XXIV.

Sed qvibus Adam usus fuerit literis, non constat
inter omnes. Sunt qvi peculiaria Alphabeta Adami pro-
ducunt, Hepburnus in *Aurea Virga*, Schraderus in monu-
mentis Italiae, Angelus Rocha à Camerino in *Commentar.*
Biblioth. Vatic. Duretus in *Hist. de lingvis*, Theſeus Ambro-
ſius Append. Introd. qvæ omnia videre licet ap. B. in-
gium l.c. sed diſcouſa. Sunt alii, qvi characterem Sa-
maritanum tuerunt, ut *V Waltonus* & aſſeclæ ejus, sed
ex falsâ hypothesi. Alii scripturam hieroglyphicam
ſolam Adamo in uſu fuisse probant, inter quos eſt lau-
datus *Academie Senior venerandus Dn. Sennerius Exercit.*
Philol. Hept. & *Joh. Eusebius Nierembergius L. 1. de origine*
Scriptura Sacra c. 8. Alii deniqve hodiernos Ebræos cha-
racteres Adamo vendicant, imprimis *Celeberrimus VVaf-*
muth part. 1. Vind. p. 86. Et ſane hoc admodum proba-
bile faciunt rationibus suis, qvod nimirum lingua
Ebræa fit prima & antiquissima, atqve nullum aliud
characterem habuerit agnoveritqve ſibi proprium;
præterea nomina literarum in aliis linguis non ſint si-
gnificativa ſuæ vel figuræ, vel ſoni, aut potestatis, niſi
ih qvantum ad Ebræam reducantur. Et tandem cum
potissimum iſiſis ſit cum defensoribus characteris Sa-
maritani, addunt, & ſubministrant contra hos ar-
gumentum illud, qvod characteris Ebræi ductus &
forma longè ſimplicior ſit & perfectior, qvam Samari-
ta-



ritani, qui ex eo est deductus. Quamobrem & huic primas deferri non posse existimant, ducti principio illo Philosophico, quo simplex prius composito esse dicitur.

§. XXV.

In tanto igitur dissensu, ut certi aliquid statuam, premo vestigia Præceptorum meorum & ex his ipsis Ebraeon quadratis literis post confusione lingvarum, Babelicam sumsisse gentes modum effingendi similes existimo. Cum enim artes & scientiae ante cataclysmum note à Noacho & filiis suis conservatae & propagatae fuerint, non dubium erit, quin & scribendi scientia ad omnes gentes ex ipsorum instituto pervenerit.

§. XXVI.

Unde nunc præcipuarum gentium literas aspiciemus & primò Chaldaeorum, qui Ebraeis erant vicini. Quanquam hic accusanda sit temporum injuria, quæ integrum earum schema adhuc dum nobis invidet, etiamsi libri antiquissimis characteribus exarati apud Babylonios extare dicantur, & spes eorum Babylone mittendorum facta fuerit Hottingero, ut ipse narrat in *Sneq. Orient. L. III. part. i.* Attamen monumentum quoddam in monte Horeb. repertum & his literis, quanquam intricatis, conscriptum, resolutum autem in veras aperuit nobis *Ach. Kircherus in Prodromo Copto p. 207.* cuius schema etiam repræsentavit *Vir. ἀλύγαστος D. Pfeifferus Dub. vix. V. T. p. 500.* Alii tamen, inter quos est *Salmasius*, referente Hottingero, i.e. Samaritanorum literas Chaldaeis usitatas fuisse afferunt, alii Æthiopicas. Hottingerus *περὶ Αἰθιοπίας* nihil definire audet.

§. XXVII. Ut horum Chaldaicorum antiquiorum, ita & Syriacorum characterum autor incertus est. *Arabes*

iii-



Itidem ignorantior autorem Veteris scripturae, Kuficā ipsiſ dicitæ, qvam etiam plerique eorum hodie non callent, dc qvā Hottingerus Thes. Philol. p. 403. recentiorein verò, qvā jam utuntur, inventam esse produnt ab ibene Mokli, ut tradit Elmakinus in Hist. Sarac. p. 205. cuius septem genera videre licet hinc inde in Instit. Gram. præprimis Th. Erpenii p. 6.

S. XXVIII.

Phœnices, qui iidem cum Chananæis, ut probat Bochartus in Phaleg. L. IV. c. 34. literas, quas hodie Samaritanas vocamus, sibi vendicant; iterum confirmante, Bocharto in Canaan L. i. cap. 20. Et cùm ipse Chanaan, Chami filius, Phœnicum sive Cananæorum pater sit, non iniquè me facturum esse arbitror, si harum literarum inventionem ipsi assignavero. Non enim est, qvod dubitemus, Canaanem literas à Noacho & patre Chamo didicisse, attamen vero DEI cultu in impietatem verso, verisimile est, eum mutasse literas, atqve adeò etiam hoc instituto à verâ Ecclesiâ secessisse. Qvamobrem inde enatae sunt literæ illæ Phœniciaæ. Successu temporis, cùm Patriarchæ peregrinationes suas in terram Canaan fusciperent, acceperunt cum ipsâ Phœnicum lingua, qvâdam Ebraicæ dialecto, characteres, quos deinde applicatos ad vernaculam transtulerunt in ingentem suam, ut communis esset populo Judaico, nomenque fortiretur Scripturæ profanæ, atqve a sanctâ distingveretur. Conf. D. Wasmuth Vind. part. i. sect. i. & D. Carpz. not. ad Schick. J. R. p. 105.

XXIX.

Postea cum sedibus suis Phœnices à gente Israelitica ejicerentur varias condidere in regionibus aliis colonias, qvemadmodum accuratè demonstravit Bochartus in Canaan atqve sic plurimas scientias à se excultas ad alios



lios simul transtulerunt. Unde & Græci satentur, à Cadmo Phœnico, qvem Cadmonitarum (de qvibus Genes. 15, 19.) ducem fuisse augor, se accepisse literas. Intelligimus autem hodiernas, alias enim ante Cadmum habuisse, jam supra dictum est ex Diodoro. Testimonia pro Gadmo plurima videantur tum apud Scaligerum in *Animadu.* ad Euseb. p. 104. tum apud Bochartum in *Canaan L. i. c. 20.* qvì gravissimi autores collationem literarum Phœnicearum & Græcarum institerunt, ut certò constet, literas Græcas ex Phœnicis esse efformatas; qvicq; vid etiam contra Scaligerum dicat *Salmasius ap. Schotianum Biblioth. tom. 2. p. 103.* Intulisse autem Cadmum sedecim literas in Graciā testes sunt *Plinius L. VII. cap. 56.* *Plutarchus Sympos. L. IX. probl. 2.* *Eusebius in Chron.* *Ireneus adversus Marcum hereticum* & alii plurimi. Qvænam tamen illæ fuerint, non consentiunt omnes. *Vid. Waltonus l. i. Vossius l. i. de art. Gramm. c. 16. p. 70.* *Victorinus de arte Gramm.* pag. 69. *Scaliger in Animadu. ad Euseb.* pag. 112. seqq. *Schotianus l. c. conf. Bochartus l. c. Polydor. Vergilius L. I. cap. 6.* *Johan. Rudolfius Vettienius or. 3. de Lingua Graeca pronunciatione.* p. 50. seqq. Plura hanc in rem proferre, esset Iliada post Homerum scribere, èo qvod citati autores ea omnia, qvæ ad antiquitatem literarum Græcarum pertinent, fusius sint executi. Unicum tantum noto, qvod *Cassidorus L. VII. Varior. c. 12.* narrat, opinatos qvosdam esse, Mercurium è volatu gruūm, qvi classem consociatur semper Alphabeti formas describant, literas Græcorum collegisse. Qvod tamen magis risum, qvam confutationem meretur.

§. XXX.

Ægyptios veteres tria characterum genera habuisse ex *Clemente Alexandrina* colligit *Kircherus Prodr.*
Copt.



Copt. 6.9. p. 220. Verba Clementis L. V. Strom. hæc sunt:
Αὐτίναι οἱ πᾶς Ἀιγυπτίον ταῖς δευτέρησι πέσσον μὴ πάνταν
τις Ἀιγυπτίων γραμμάτων μέθοδον σκιασανθύσον, τις ὅτι-
στολογέμφικαν καλεύθητι. Δευτέρου δὲ τὸν Ἱεραπόλιον, ἢ
χρεῶνται οἱ αἴρονται μικροί. Τρίτην δὲ καὶ τελευταν τις ἑ-
ρογλυφικῶν οὐδὲ μὲν δέ οὐδὲ τὸν πρώτον συκέαν καριολογήσῃ.
Η δέ συμβολὴν, τῆς δὲ συμβολῆς, η μὲν κυριολογεῖται καὶ μί-
μπον. Η δέ ὥστε τροπῶς γεράσται. Η δέ ἀντίκειν αλλη-
γοῦσται κατὰ τιας αἰνῆγες. Ἡλιον γαρ ἐν γεράσι βελί-
μενον κύκλον ποιεῖ, σελήνην δὲ ἔχουσα μικρούτες. E quibus tamen
adhuc remanet dubium, an Kircherus recte percepit
Clementis sententiam, qvæ mihi ad Ægyptios Cle-
mentis ævo videtur referenda, de qvorum informati-
one eò loco differuerat. Etenim ab ultimâ antiquita-
te literas hieroglyphicas tantum in usu fuisse ap. Ægyptio-
s, qvæ ex animalium & aliarum rerum figuris con-
stabant, testantur autores. Vid. Diodorus Siculus L.III.
& IV. Et Ammianus Marcellinus diserte l.17.c.7. in-
quirit: Non, ut nunc, literarum numerus præstitutus & fa-
cilius exprimit, qvicquid humana mens concipere potest, ita
prisci quoque scriptitarunt Ægyptii: sed singula litera singulis
nominibus serviebant, & verbis nonnumquam significabant
integros sensus. Qvod ipsum Tacitus etiam l. II. Annal.
testatur. Primi, inquit, per figuras animalium Ægyptii
mentis sensus effingebant: ea antiquissima monumenta me-
morie humana saxis insculpta erant. Conf. Mercerus in
notis ad Horapollinem, & Cluverius Germ. antiqu. LI.c. 24.
Quamobrem Joh. Pierius Hieroglyph. c. 47. de his Ægypti-
orum literis ita sensit: Cujusmodi essent, inquit, lite-
rarum characteres ap. Ægyptios, si questiverit quispiam,
putarim ego partim instrumentorum aliquot plurimum vero a-
nimatum effigies fuisse. Unde Kircherus causâ cadit,
dum literas hodiernas cum illis antiquioribus confun-
dit, qvæ omnium consensu ex Græco charactere suam

D

du-



ducunt originem, utpote in Ægyptum per Græcorum colonias introductæ. Nec juvat eum tabula Bembiana, qvæ quatuor literas hodiernis similes in se continet, cùm hæ testentur potius, tabulam illam post Alexandri M. tempora esse pictam & efformatam. *Anz geli Rocchæ Alphabetum Ægyptiacum omnes eruditissimorum supposititium existimant, ut videre est ap. Bangium Cœl. Orient. p. iii. seqq.*

§. XXXI.

Latini literas habent à Græcis. Ita enim *Plinius* & *Solinus* Pelasgis, antiquis suis Græciæ populis, qui 150. annis post Cadmum in Italiam colonias duxerunt, ejus rei gloriam tribuunt; *Dionysius Halicarnassensis* Arcadibus, qui 60. annis post Pelasgos venerunt, *Livius* & *Tacitus* Evandro; alii, *narrante Polyd. Vergilio*, Nicostratae Evandri matri. Qvæ tamen diversitas in definiendo primo autore universalis consensu non obstat. Qvalest verò fuerint literæ, aperit *Tacitus Annal. I. II.* & *Plinius L. VII. c. 58.* dum antiquioribus Græcis eas similes fuisse existimant. *Conf. Vossius L. I. de art. Gramm. c. 24. seqq.* *Scaliger de causis LL.* & *Becmannus de Originibus L. Lat. c. 4.* De Hetruscōrum literis egit *Th. Reinesius in Historum enis lingua Punica*, & ex parte *Bangius in Cœl. Orient. p. 129.*

§. XXXII.

Germanis antiquioribus etiam scribendi rationem non fuisse incognitam, arguit singularis eorum, sapientia & eruditio, de qua *Cluverius Germ. Antiq. L. i. c. 19. 24. 31. 32. 33. seqq.* ut ut illorum literas ignoremus, quod eas planè lecetas sibi esse voluerint. Sequioribus seculis assumere Græcas, ut *Julius Cæsar L. V. Com.* & *Strabo L. IV. Geogr.* autores sunt. Ævo *Caroli M. Latinas* in Germaniam venisse & tandem in hodiernam formam



formam mutatas esse, judicat Harsdorfferus *Spec. Phil. Germ. disq. 6.* ubi plura de Germanorum antiquiorum literis disserit.

§. XXXIII.

De reliquarum gentium literis ex instituto agere nunc non licet, cum alii id satis expediverint, inter quos est *Guilielmus Postellus*, qui de characteribus omnium lingvarum libro de 12. linguis disseruit. De Sinenium literatura vid. *Athanafius Kircherus* & hujus elogio ante omnes celebratus. *Dn. Job. Mullerus*, qui ex professo Lingvam Sinicam, & hujus nulli haec tenus cognitam clavem & omnes antiquitates summa cum gloria tenet & tradit. *Conf. Funcius Brev. Hist. polit. rom. 1. cap. 8.* Sic de Mexicanis quædam dixit *VValtonus l.c.* alii dealiis.

§. XXXIV.

Nunc ad ipsam literarum scriptionem me converto, cuius duplex ratio, nimurum, sculperi & pungendi apud omnes ferè gentes, nationesque obtinuit. Et quidem sculpturam ad condenda monumenta potissimum fuisse adhibitam, docet *Jobus XIX.* dum exoptat, ut verba sua in annales referantur & stylo ferreo cum plumbo in perpetuum duratura in rupe, incidentur. מ יְהוָה אֱלֹהֵינוּ מֶלֶךְ יִהְיֶה כָּסֶף וַחֲדָבָן : בָּעֵט בְּוֹלֵן יְעַרְתֵּה לְעֵד בָּצְרוֹ וַחֲצָבוֹן : Non dubium est, quin hic per *ספר annales* intelligantur annales, quemadmodum propria & nativa, ac ut inscholis loquimur, hujus vocis significatio indicat; atque adeo ex ipsa vocu connexione intelligitur, annales olim axis vel lapidibus vel rei cuivis duriori insculpi conservisse. Sic & aliquando, ut cælatura eò clarior fieret, plumbum in cæsuras literarum fusum esse docet ex hoc *Jobi loco R. Sal. Jarchi.* Et particulam Vau non expo-



nendam esse per Et, sed per Cum probat D. Noldius *Cone.*
Part. Ebr. p. 273. & Vind. p. 973. & consentit Bochartus in
Hieroz. L. 2. c. 44. Alias etiam plumbeis laminis incifas
fuisse literas confirmatur autoritate *Plinii L. XIII. cap. 11.*
itemqve tabulis æreis i. *Macc. VIII. 22. XIV. 18. 26.* Li-
gneis, qvæ & schedæ dicebantur, *Grilandinus de Papiro*
p. 5. arborum etiam foliis, palinarum, *Pancirollus L.*
2. Mem. tit. 13. & *Scaliger contra Grilandinum,* malvarum,
Cinnus ap. Isidor. l. 6. Orig. lauri, Antonius de Guevara-
in G. S. ex Strabone, oleæ, quod monstrat Syracusan-
rum περιστούς ap. Diodorum Siculum L. XI.

§. XXXV.

Sed nec infreqvens apud autores classicos men-
tio est cerarum, pugillarium, codicillorum, qvibus
tamen unam eandemqve rem denotari, obseruat Scrip-
tor in hujus doctrinæ argumento versatissimus *Guil-*
landinus p. 97. *Scheda,* inquit, qvæ ad eum modum prepa-
rata erant (nimirum cera obductæ) dicebantur cere, &
quod pungendo scriberentur, *pugillares, quemadmodum*,
quod ex codice arborum constarent, codicilli. *Quanquam*,
*Gylandinus existimat, omnes schedas olim ceræ indu-
ctæ factas esse, quod tamen refellit Matthæi Evangelium*
schedis non ceratis inscriptum, & à Baronio in
Martyrol. Rom. productum, siqvidem ei fides habeatur
Cœterum & ceris ejusmodi præparandis adhibitum.
fuisse ebū, *Hermannus Hugo rei antiquaræ peritus au-*
tor tradit c. 10. p. 94. & membranas, ut *Martialis L. XIV.*
Epigr. 7. indicat. Imo Crystallinos & Onychinos pu-
gillares inventos esse, ex Marcello notat scitus ele-
gansqve Italus *Laur. Pignorius de servis p. 113.* Qvoad
formam deniqve tabellæ ejusmodi ceratæ erant qva-
dratae vel trigonæ, & à numero paginarum vocaban-
tur triples, quintuples, qvales *Martialis l. 2. Epigr. 4*
& 6. laudat.



§. XXXVI.

Ovare ut his ipsis materiis literæ possent impri-
mi, stylus in usu erat & potissimum ferreus, cum fa-
xis, marmori, metallis literæ insculperentur, qvalem
& deinde tabellis ceratis adhibebant Veteres anteqvam
osco uterentur. Mos etenim erat, inquit Gvilandinus,
p. 96. ferro non calamo in ceris scribere, quod Gracos &
Tuscos primū factitasse, testatur Isidorus L. 6. c. 9. postea
Romani jusserunt, ne graphium ferreum quis haberet, insci-
tutumque ceram osibus scribere. Styli figuram Pignorius
de servis p. 117. seqq. ex veterum monumentis exhibet.
Conf. Salmuth, notis ad Panciro. L. II. tit. 13.

§. XXXVII.

Pingendis autem literis adhibitæ sunt primò a-
rundines sive calami non solum ii, qvi iuxta Memphim
Hilum vel Gnidum crescebant, ut ex antiquioribus
scriptis ostendit Hermannus Hugo & Gerhardus Joh. Voss
suis locis citatis, sed & qvi in Asia circa Anaiticum la-
cum nascabantur, afferente Plinio L. XVI. 36. in quorum
locum dein surrogatae sunt avium pennæ, calami ex
eo adhuc nobis dictæ. Sed & penicillo scribi literas à
pictoribus nostris, qvivis etiam ex vulgo novit, &
Sinensibus aliud scribendi instrumentum non esse, te-
stes sunt Ath. Kircherus in Sina Illustr. art. V. c. 3. Martinus
Martinius Hist. Sin. L. VIII. Nicol. Trigault, Exped. Sinicae
L. I. c. 4.

§. XXXVIII.

Materia, in qua literæ pingebantur, fuit varia.
Vel enim fuit exterior arborum tunica, qvæ & cori-
um dicebatur Plin. L. XV. 18. Cato de re rust. c. XVI. 11. Gvi-
landinus p. 104. Vel tenuiores arborum & fruticum
phylaræ s. libri, qvipars corticis sunt, ligno adhæ-
rens, apud Gvilandinum p. 103. Salmuth ad Panciro. L. II.
tit.



tit. 13. vel linteamina, *Livius dec. I. L. 4. Plin. l. XIII. II.*
Gvilandinus p. 94. vel membranæ & pelles animalium
Varro, Plinius ap. Gvilandinum p. 174. eorumqve intestina
aliqvando, Isidor. Orig. l. VII. ii. Salmuth. l. c. vel e-
bur; Martial l. XIV. Epigr. s. Ulpianus ap. Salmuth. l.c.

§. XXXIX.

Ad fruticum phylaras reducimus chartas, utpote
qvæ, narrante Plinio loc. cit. erant prætenues, & qvam
latissimæ philuræ ex papyro præparatae. Papyrus au-
tem erat juncus nascens in palustribus Ægypti, aut
qviæsentibus Nili aquis, ubi evagatae stagnant, duo
cubita non excedente altitudine gurgitum, brachiali
radicis obliquæ crassitudine decem non amplius cubi-
torum longitudine in gracilitatem fastigiatum, thyrsi
modo cacumen includens, ut Plinius describit l. c. qvi
& in Syria & Babylone nasci papyrum indicat. Conf.
Gvilandimus & Henr. Salmuth, qvi ea, qvæ prolixius
hic dici possent, sunt executi. Unde charta fuerit di-
cta, legi poterit Vosius de art. Gram. l. I. c. 37. Pan-
ciroll. l. c. Polydor. Verg. l. II. c. 6. Isidor. Orig. l. VI. 9.
Chartarum genera exposita habemus ap. Plinium l.
XIII. c. 12. & Commentatorem Gvilandinum p. 282310.

§. XL.

Modus scribendi succedit, qvi quintuplex: Pri-
mus est, qvo ducuntur lineaæ à dextrâ versus sinistram,
receptus inter Ebræos & plerosq; Orientales populos.
Secundus, à sinistra versus dextram, communis ferè
omnibus Europæis, & inter Orientales Armenianis,
Georgianis, Ægyptiis & Æthiopibus. Tertius à sum-
mo ad inum, Sinenium genti proprius, Græcis Tapo-
con dictus. Quartus ab ino ad summum, qvomodo
Mexicanos scribere prodit ex Acostæ l. VI. Job. de
Laet. notis ad differt. Hugonis Grotii de Orig. Gent. Amer.
p. 66.



p. 66.¹ Quintus est à sinistra versus dextram & à dextra iterum versus sinistram, usque dum scribendo impleta pagina est, Græcis βεβεροι διctus, cuius tres species recententur, quas quia non ita commode explicare verbis licet, oculis hic subjicere placuit. Prima, quā Solonis leges scriptas fuisse testatur Didymus ap. Vosium i. c. c. 34. haec est:

αλλοπ αλαμ δο νοπορτιλοπ αστημ επευνε ιομ αρνδΑ
Πλαχθη επει τροιης ιερου πτολιεθρου επερσε
ωνγε νοον ιακ αεσα νεδι ωωπερθνα δ' νωλλοπ
Πολλα δ' ογ' εν ποντω παθεν αλγεα ον κυ θυμον.

Altera:

Ανδρε μοι ενεπει μησα πολυγρπον οεμαιλα πολλα, η
Θεοντα ε προσεινολοπ ινει εινιοντα επεινον
δ' αιθεωπων, ιδεν αισαι κηδι νοον εγνω.
Λοτηρια ε εινικ ηεγκα πεγκα πειλαν ει μο.

Tertia:


Μηνιν αειδε Θεαν πηληιαδεω Αχιηη
εκηβε εεγνα ειοναχα γενοι η Νηργιον
Πολλας δ' ΙΦθημες ψυχας αι δι περιαψεν
αιοεπτη εκηνα παθηνε 58/π πολιη

Vid. Waltonus Prol. 2. Edmundus Dickinson
Delph. Phœn. c. 10. Bochartus in Chanaan p. 494.



S. XL.

Plura in præsenti notare, qvæ ad hanc materiam
spectant, & rerum gestarum initia originesqve expo-
nere, temporis angustia prohibet. Unde ad citatos
scriptores deleo lectorem antiquitatis cupidum, & in
extremo hujus disquisitionis jure meritoqve com-
mendo simul *Illustriſimi Gufavi Seleni Cryptographiam*,
& *Gasparis Schotti Tachygraphiam*, monumenta fane-
digna lectu, & qvæ sciendi desiderium explere
mihi videantur.




Deßwif. 1600. C. 10. Tachygraphia. C. 10. Cryptographia.
Antiquitatis. Seleni. Tachygraphia. C. 10. Deßwif. 1600.





X2615929

WOMK



B.I.G.

Black

Farbkarte #13

Centimetres

Inches



12 Q.D.B.V. 6
HISTORIAM 1683 5
Artis Scriptoriae,
PRO LOCO
In
Amplissimo Philosophorum
Ordine
P. 633.
benevolè sibi assignato.
PRÆSES
M.FLORIANVS Glepperbein/
Glogaviâ Silesius,
publicè defendet
Ad d. 15. Martii A. d. Ioc LXXXIII.
RESPONDENTE
MICHAELE Rechen/
Stoessena-Misn.

WITTENBERGAE
Typi CHRISTIANI FINGELII.
MICHAEL RECHEN
S. Tischer Cptor.

